



Մայիսի 28-ին՝ Հայաստանի առաջին Հանրապետության հռչակման տոնին նվիրված հանրապետական մաղթանք կայացավ Վիրահայոց թեմի Սանցիտ -Զավախքի, Բաթումի եկեղեցիներում: Թբիլիսիի Սուրբ Էջմիածին եկեղեցում Վիրահայոց թեմի առաջնորդ, Գերաշնորհ Տեր Վազգեն եպիսկոպոս Միրզախանյանի հանդիսապետությամբ կատարվեց տոնական հանրապետական մաղթանք, որին ներկա էին եկեղեցու հոգևոր դասը, առաջնորդարանի և «Հայարտուն» կենտրոնի աշխատակիցներ,

վիրահայոց համայնքային ներկայացուցիչներ, ծնողներ, հավատացյալներ: Հանրապետական մաղթանքի արարողությանը ներկա էր Վրաստանում ՀՀ դեսպանության խորհրդական Լևոն Թորգոմյանը:

Հանդիսավոր արարողության ավարտին թեմակալ առաջնորդն իր շնորհավորական խոսքն ուղղեց ներկաներին, ընգդծելով , որ գեղեցիկ այս տոնը առանձնապես սրտամոտ է վիրահայությանը, քանզի Հայաստանի Հանրապետության Հռչակագիրը ստորագրվել է քաղաքամայր Թբիլիսիում:

Սրբազան Հայրը ոգեկոչելով Սարգարապատի, Բաշ-Ապարանի, Ջավախք աշխարհի Սաթխայի հերոսամարտերը, զոհված ազատամարտիկների հիշատակը՝

<

Հանրապետության
հռչակումն անվանեց
մեր

ժողովրդի

ազատ

ու

անկախ

ապրելու

կանքի դրսևորում, որն իրականացավ դարավոր պայքարով և հազարավորների արյան
զնով:

Թեմակալ Առաջնորդը իր մաղթանքում աղոթք բարձրացրեց առ Աստված Հայաստանի
Հանրապետության, Արցախի, աշխարհասփյուռ հայության բարեկեցության, խաղաղության
պահպանման, հայ-վրացական բարեկամության խորացման աղերսով: